



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SEPEDI LELEMETLALELETŠO LA PELE (FAL)

LEPHEPHE LA BORARO (P3)

2018

MEPUTSO: 100

NAKO: Diiri tše 2½

Palomoka ya matlakala a dipotšišo ke 6.

DITAELO LE TSHEDIMOŠO

1. Lephephe le, le arotšwe ka DIKAROLO TŠE THARO, e lego YA A, YA B le YA C.

KAROLO YA A: Ditaodišo (50)
KAROLO YA B: Ditšweletšwa tša tirišano tše telele (30)
KAROLO YA C: Ditšweletšwa tša tirišano tše kopana (20)

2. Araba potšišo E TEE karolong YE NNGWE le YE NNGWE.
3. Šomiša polelo yeo o lekwago ka yona.
4. Thoma KAROLO YE NNGWE le YE NNGWE letlakaleng LE LEFSA.
5. Beakanya (ka tsela ya mmepe wa monagano, seswantšho, mantšu a bohlokwa le tše dingwe) o be o dire padišišobohlatse. Peakanyo ya gago e tšwelele PELE ga ditšweletšwa ka moka.
6. Peakanyo e bonagale gabotse. E laetšwe ka go thala mothalo wa go putla.
7. Šomiša nako ya gago ka tsela ye:
- KAROLO YA A: Metsotso ye 80
KAROLO YA B: Metsotso ye 40
KAROLO YA C: Metsotso ye 30
8. Dikarabo di nomorwe go ya le ka fao dipotšišo di nomorilwego ka gona.
9. Efa KAROLO YE NNGWE le YE NNGWE hlogo ya maleba.
10. Hlogo ga se ya swanelwa go balwa ge go dirišwa palo ya mantšu.
11. Ngwala ka bothakga le ka mongwalo wa go balega.

KAROLO YA A: DITAODIŠO**POTŠIŠO YA 1**

Kgetha E TEE go dihlogo tše seswai tše di latelago gomme o ngwale taodišo ya botelele bja mantšu a magareng ga 250 le 300.

Taodišo e rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

- 1.1 Re ntšhitšwe ka lebelo le morago re sa lebelele. **[50]**
- 1.2 Ditiragalo tša bomenetša ke tše ntši mehleng yeno. **[50]**
- 1.3 Ruri ga ra lebona ka diokobatši. **[50]**
- 1.4 Ge nka ba mothopasefoka wa profense ya gešo. **[50]**
- 1.5 Tša tla tša re tšwela mohola dipapadi tša lefase. **[50]**
- 1.6 Dikotsi mebileng di hlolwa ke lenyatšo la melao ya tsela. **[50]**
- 1.7 Lebeledišiša diswantšho tše gomme o ngwale taodišo ka ga se SE TEE sa tšona. Diswantšho tše di ka tsoša maikutlo goba boikgopolelo bjo bo itšego.

ELA HLOKO: Go swanetše go ba le kamano magareng ga taodišo ya gago le seswantšho se o se kgethilego.

1.7.1



[Mothopo: www.google.co.za]

[50]

1.7.2



[Mothopo: Inthanete]

[50]

PALOMOKA YA KAROLO YA A:

50

KAROLO YA B: DITŠWELETŠWA TŠA TIRIŠANO TŠE TELELE**POTŠIŠO YA 2**

Araba potšišo E TEE go tše nne tše di latelago. Botelele bja karabo ya gago e be mantšu a magareng ga 120 le 150 (diteng fela).

Setšweletšwa se rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

2.1 LENGWALO LA SEGWERA

Kgaetšedi'ago o na le kgatelelo ya monagano ka lebaka la go hloka mošomo. Mo ngwalele lengwalo o mo kgothatše seemong seo a lego go sona.

[30]**2.2 TŠA BOPHELO BJA MOHU**

Mogwera wa gago o hlokofaletšwe ke malome. Ngwala tša bophelo bja mohu bjalo ka ge o kgopetšwe ke ba lelapa.

[30]**2.3 TAODIŠWANA/ATHIKELE YA KURANTA**

Go na le dipolao tša basetsana lefelong le lengwe la tikologo ya geno. Ngwala taodišwana(athikele) ya kuranta yeo ka yona o eletšago setšhaba ka go efoga kotsi ya lefelo leo.

[30]**2.4 POLEDIŠANO**

Mosima o re mešomo ya phapošing ga e bohlokwa mola Pheladi a re mešomo yeo e ka thuša gore o tšwelele mafelelong a ngwaga. Ala poledišano ya bona.

[30]**PALOMOKA YA KAROLO YA B:****30**

KAROLO YA C: DITŠWELETŠWA TŠA TIRIŠANO TŠE KOPANA**POTŠIŠO YA 3**

Araba potšišo E TEE go tše tharo tše di latelago. Botelele bja karabo ya gago e be mantšu a magareng ga 80 le 100 (diteng fela).

Setšweletšwa se rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

3.1 PHOUSTARA

Thala phoustara yeo o tsebišago setšhaba ka kopano ya balemi go tlo hlahlwa ka ga thibelo ya malwetši a diruiwa.

[20]**3.2 POSKARATA**

Ngwalela seyalemoya sa selete poskarata yeo o memago meloko go tla pulong ya ntlo ya mogolo'ago.

[20]**3.3 DITAELO**

Moratho wa gago o filwe letšoba. Ga a kgone go le bjala. Mo thuše ka go mo fa ditaello tša go bjala letšoba leo.

[20]

PALOMOKA YA KAROLO YA C: 20
PALOMOKA YA TLHAHLOBO: 100